

Տ. ԱՌԱՔԵԼ ԲԱՆԱՆԱ ՎԱՐԴԱԶԱՐՅԱՆ

ԳՈՒՅՆԵՐՆ ԱՍՏՎԱԾԱԲԱՆՈՒԹՅԱՆ ՄԵՋ

Արարաքին աշխարհից սպացվող ինֆորմացիայի հիմնական մասը մարդն ընկալում է տեսողական եւ լսողական զգայարանների միջոցով: Մեր աչքի գլխավոր մասի՝ ցանցաթաղանթի (ռեթինա) օգնությամբ է, որ տեսողական գրգիռները փոխանցվում են ուղեղ: Ընդ որում՝ «մարդու աչքը կամ տեսողության զգայարանը հետեւյալ պաշտոններն է կատարում կյանքի ընթացքում.

ա. տեսնում է **լույսը** եւ **գույները**.

բ. տեսնում է **ձևերը**

գ. տեսնում է **շարժում**

դ. տեսնում եւ զանազանում է արարաքին աշխարհի առարկաների միջեւ եղած **հեռավորությունները**¹:

Ինչպես նշում է Վազգեն Վեհափառը, տեսողության հիմնական պաշտոնը գույներն զգալու եւ զանազանելու մեջ է: Գույները կարելի է դասակարգել երկու մեծ խմբերի՝ չեզոք կամ աքրոմատիկ (սեւն ու սպիտակը, նրանց մեջ ընկած մոխրագույնի բոլոր երանգները) եւ կենդանի կամ քրոմատիկ գույների, որոնք արելի ճառագայթի լույսի փարթալուծումից առաջացած գույներն են (կարմիր, նարնջագույն, դեղին, կանաչ, երկնագույն, կապույտ, մանուշակագույն): Մարդկանց կյանքում գույների կարեւոր նշանակությունը լավագույնս օգտագործվել է եկեղեցական արվեստում՝ միջոց ծառայելով Աստվածային անդրանցական իրողություններն արտահայտելու համար:

Մանրանկարներում յուրաքանչյուր գույն իր խորհրդանշական իմաստն ունի: Պատահական չէ, որ գունային արժեհամակարգն ընդունված էր անվանել «Աստվածաբանություն՝ արտահայտված ներկերի միջոցով»՝ շեշտելով գունային խորհրդաբանությունը:

Գույնի միջոցով հոգեւորն ու խորհրդանշականը դադարում են վերամբարձ լինելուց՝ դառնալով պարկերավոր եւ ըմբռնելի: Սրբանկարներում գույնի հետ կապված յուրաքանչյուր փարթ (սկսած դեմքից եւ վերջացած զգեստով) իր ուրույն տեղն ու նշանակությունն ունի: Միջնադարում գույնը սերտորեն կապված էր խորհրդանշիչի եւ կանոնի հետ:

Տարիների ընթացքում, սակայն, աղավաղումներից զերծ չմնաց նաեւ գույնի խորհուրդը. հապկապես՝ կրկնօրինակումների պարճառով: Բնօրինակից հեռանալով՝ քվյալ գույնը փոխեց նաեւ իր իմաստը: Մասնագետ - ուսումնասիրողներն առհասարակ դեմ են կրկնօրինակումներին՝ համարելով, որ բնօրինակը պարկերվել է Սուրբ Նոգու ներգործությամբ, իսկ «կրկնօրինակման դեպքում ոչ թե Աստվածայինն է գործում եւ սրբործում պարկերը, այլ մարդը: Սրբանկարչի ջանքը, աշխատանքը միմիայն Աստծո համար է: Աշխատելիս նկարիչը, իրեն մոռացության մատնած, շարժվում է Աստծո կամքով: Ուստի անպետել այս օգնությունը եւ հույսը դնել միայն անձնական երեւակայության վրա, կնշանակի հեռանալ իրականից»²:

1 Տե՛ս Վազգեն Ա Վեհափառ Նայրապետ, Նոգեբանություն, Տեսողության զգայարանը, 1961, էջ 35:

2 А. Стрижев, Православная Икона. Канон и стиль, М., 1998, с.64.

Դիոնիսիոս Արիտագացին շեշտում է, որ սրբանկարները միաժամանակ պիտի ունենան նմանություն եւ փարբերություն. որպեսզի առաջինի օգնությամբ ճանաչենք, իսկ երկրորդի միջոցով փարբերենք պատկերվածը³: Պատկերը ճանաչելու կամ փարբերելու հարցում մեզ օգնում է նաեւ գույնը:

Թե՛ Ս. Աստվածածնի, թե՛ Քրիստոսի ու հրեշտակների պարագային օգտագործվում են հատկանշական եւ փարբերակիչ գույներ:

Իմաստային ներդաշնակությունը, գունեղանքի արժեքը մանրանկարների մեջ աննկարագրելի է, անբացատրելի: Նկարչի աչքը՝ իբրեւ մասնագիտական առավելություն, առանձնահատուկ է իր գունային ընկալունակությամբ: Վարժվածության շնորհիվ այն ավելի լավ է փարբերում գույների երանգները: Մասնագիտորեն թե՛ ձեւակերպենք՝ նկարչի համար «հասարակ եւ սեւին մոտեցող մուգ կապույտը, միջօրեի վառ երկնականարի կամ մայրամուտի փիրուզը կամ լաջվարդը, ոչ թե պարզապես կապույտ, այլ դրա լավ կամ վար պրամադությունն արտահայտող միջոցն ու երանգավորումն են»⁴: Գույներն ու լույսը համակ ներդաշնակություն են պահանջում: Ամեն ինչ սրբապատկերներում պարզվում է Լույսի՝ Աստծո շուրջ: Դարեր առաջ սրբեղծագործած մանրանկարիչ վարպետները սովորաբար միափայր գույներ են օգտագործել ու բնավ հակված չեն եղել ցույց տալու գունային իրենց սպացած երանգը՝ երկու կամ ավելի գույներ միախառնելով:

Սպիտակը⁵ համարվում է Լոգոսի (Քրիստոսի) գույնը, որովհետեւ Քրիստոս մարդկությանը լուսավորեց մեղքի խավարից:

Սպիտակը հոգու անաղարտության խորհրդանիշն է, մաքրության եւ սրբության գույնը: Սպիտակով են պատկերվում հատկապես Նարոցյալ Քրիստոսի զգեստները, հրեշտակները: Սպիտակը հոգու մաքրության եւ անբծության խորհրդանիշն է:

Պատկերի մեջ գույնն անբակտերիորեն կապված է լույսի հետ: Պատկերի տեխնոլոգիան աշխարհանքի որոշակի փուլեր է ենթադրում, որոնք համապատասխանում են մուգ երանգից դեպի լույս գունավորելուն, օրինակ՝ դեմքը նկարելու ժամանակ սկզբում օգտագործվում է սանկիրը (մուգ ձիթապտղի գույն), ապա՝ օխրան (հայկական դեղին): Այս գործընթացը մուգից դեպի լուսավորը փանող աստիճանական արագային անցումն է: Դեմքի այս աստիճանական պայծառացումը ցույց է տալիս Աստվածային լույսի ներգործությունը, որը պայծառակերպում է մարդու անձը, նրա մեջ բացահայտում լույսը: Նույն կերպ եւ Ծննդյան քարայրը. պատկերվում է մուգ՝ ցույց տալով մահվան իշխանությունը նրա շուրջ, բայց ահա Փրկչի Ծնունդը դառնում է «ճառագայթ մթության մեջ»⁶, քարայրի կենտրոնից ճառագում է բարորված Լույսը, քանզի Քրիստոս իր մասին ասաց. «Ես եմ աշխարհի լույսը...» (Յովհ. Ը 12) (նույն էր ասում իր աշակերտներին. «Դուք եք աշխարհի լույսը» (Մատթ. Ե 14)):

Ինչպես կրեստենք Պայծառակերպության պատկերագրությունը մեկնաբանելիս, մանրանկարչական որոշ երկերում Քրիստոսն իբրեւ լույսի աղբյուր պատկերվում է ճերմակ քիտոնով (շապիկ):

3 Shtu *Архимандрит Рафаил (Карелин). О языке Православной иконы.*, СПб., 1903. էջ 7 (այսուհետ՝ *Карелин*):

4 E. X. *Трубецкой, Умозрение в красках*, Париж, 1965, с.72 (այսուհետ՝ *Трубецкой*):

5 Առհասարակ արեւի լույսի մեջ կան մի շարք գույներ, որոնք մարդու աչքի համար անբնասանելի են, ինչպես ինֆրակարմիրը, ուլտրամանուշակագույնը: Սրանք եւս մեր աչքն ընկալում է իբրեւ սպիտակ գույն:

6 N. *Ozoline*, The Theology of the Icon, in St. Vladimir's Theological Quarterly, 4, 1987, pp. 297-308.

Սպիտակը միաժամանակ ե՛լ լույս է, ե՛լ գույն, որ օգտագործվում է նաեւ հրեշտակների ու սրբերի անբծությունը ցույց տալու համար: Այսօրինակ գաղափարի ակունքն աստվածաշնչային է. «Եւ Նրա զգեստները փայլուն, խիստ սպիտակ դարձան, այնպէս, որ երկի վրա ոչ մի լվացք անող չի կարող այդքան սպիտակեցնել» (Մարկ. Թ 2), ինչպէս նաեւ «...Սրանք, որ սպիտակ զգեստներ են հագել, ովքեր են եւ կամ որտեղից են գալիս» (Յայտ. է 13): Սպիտակ հանդերձը, ըստ Ստեփանոս Սյունեցու, խորհրդանշում է նաեւ ավետարանական եւ առաքելական գրքերի աստվածաբանողի ու դրանց բառերի մեկնաբանողի միությունը⁷:

Իր նշանակությամբ սպիտակը մոտ է Աստվածային զորությունը մարմանշող ոսկեգույնին, որը գունային դասակարգման բարձրակետում խորհրդանշում է աստվածային ու կատարյալը:

Ոսկեգույնը⁸ Հայր Աստծո հավերժության, անծին եւ կատարյալ վիճակը պարկերոջ գույնն է: Ոսկին անաղարտ է եւ իր մեջ չունի խառնուրդ երանգներ: Այսպէս է նաեւ Աստվածային բնությունը: Այն նաեւ սիրո եւ հայրնված ճշմարտության գույնն է: Այն ունի փառքեր արտահայտչամիջոցներ, դրանցից մեկը նրա ճանաչարկի պարսպասկն է՝ ասիստը: Ասիստի ճառագայթները պարկերին փոխանցում են շարժունակություն: «Ասիստով կարելի է պարկերված փեսներ Տիրոջ Պայծառակերպությունը, հրեշտակների թեւերը, դրախտային ճառագող բնությունը: Ասիստի շնորհիվ այս փեսարաններն ստանում են ճկունություն եւ թերային վիճակ»⁹:

Հայ սրբանկարչության առանձնահատուկ ձեւ է ճանաչարկի լուսապսակը, նաեւ ասիստով խաչը՝ ճառագայթող կենտրոնով:

Տիրոջ փառքի հավերժության ու կատարելության խորհրդանիշ ասիստը, առկա է Պայծառակերպության, Համբարձման կամ Երկրորդ Գալստյան դրվագներում, սակայն բացակայում է Ծննդյան, Խաչելության, Թաղման, այսինքն՝ Քրիստոսի մարդեղությանը վերաբերող դրվագներում:

Ոսկեգույնն ունի քահանայության խորհուրդ: Քրիստոս Աստված էր, Թագավոր եւ Քահանայապետ: Ահա այս երեքի արտահայտության մարմանշումն է ոսկեգույնը: Ոսկին համարվում է եզակի գույն՝ նման Աստծո եզակիությանը, մինչդեռ մնացած գույներն ունեն իրենց հակադիր (սեւ - սպիտակ) եւ լրացնող (կարմիր - կապույտ) գույները:

Լուսապսակներում կիրառվող ոսկեգույնը ցույց է տալիս այն կրողի փառքը:

«Ոսկեգույնի կողքին շատ է օգտագործվում ալ կարմիրը կամ ծիրանին: Մանրանկարներում առկա խորանների գլխաքառերը, օրինակ, հանդես են գալիս ծիրանիով, խորհրդանշում այն, որ Աստվածաշնչի եւ ամեն ինչի սկիզբն Աստված է: Իր երանգներով կարմիրը (նաեւ՝ ծիրանին, վարդագույնը) ընկալվել է իբրեւ առավել ներգործություն ունեցող գունային արժեք, որն այս իմաստով անփոփոխելի է, եւ նրա ուժեղացման ու թուլացման հետ եւ կապվում բոլոր անցումները՝ մեծագույն ցնծությունից մինչեւ փրկություն եւ նորից թեւակոխում դեպի ցնծագին գունաշխարհ»¹⁰:

7 Ստեփանոս Սիւնեցի, Չորս Աւետարանների համառօտ մեկնութիւն, Ս. Էջմիածին, 1997, էջ 92:

8 Ոսկու շքեղ կիրառությունը նկատելի է հատկապես Գլաճորում եւ Կիլիկյան Հայաստանում ստեղծված ձեռագրերում: Այսպեղ նկարիչները վառ գույները (կանաչ, կարմիր, կապույտ) չեն թողնում առանց մուգ եւ բաց երանգների. մուգից անցումը բացին կատարվում է աստիճանաբար:

9 *Труды КСНУ*, с. 73-74.

10 Վ. Դազարյան, Մեկնութիւն խորանաց, Ս. Էջմիածին, 2004, էջ 214 - 215:

Մանրանկարներում ոսկին խոսում է նաեւ առարկաների կապարելության եւ հավերժության մասին: Նայելության գրքում նկարագրված Երկնային Երուսաղեմի փողոցները ոսկի են՝ պայծառ ապակու նման ճաճանչափայլ (հմմտ. Յայտ. ԻԱ 21):

Իսրայելի Ուխտի փապանակը նույնպես զարդարված էր ոսկով (Նմմտ. Ելք ԻԵ), Նիսուսի ծննդյան ժամանակ ընծայաբերված նվերների շարքում էր նաեւ ոսկին (Նմմտ. Մատթ. Բ 21): Վերջինս կապվում է նաեւ հոգու փրկության հետ. «... պիտի փորձեմ նրանց, ինչպես փորձում են ոսկին» (Ջաք. ԺԳ 9):

Ոսկեգույնի կողքին հիշենք դեղինը՝ իր երկու հակադիր իմաստներով: Դեղինը, որն իր մեջ լեցուն ոսկի ունի, արտահայտում է ոսկեգույնի դրական իմաստը, սակայն երբ աղոյս ու անփայլ է, արտահայտում է դավաճանություն, եսասիրություն եւ ազահություն: Սա մասնավորաբար մարմնիչ Նուդա Իսկարիովրացու գույնն է:

Արծաթագույնը կրում է սպիտակի եւ կապույտի խորհրդաաբանությունը: Նիշենք նաեւ, որ ոսկու եւ արծաթի գործածության եզակիությունը հարկադրաբար կապված էր միջոցներ չունենալու հետ, քանի որ այս երանգների սպեկտրման համար ոսկու եւ արծաթի ծեծված եւ մշակված փոշի էր անհրաժեշտ:

Քրիստոսի մարմինը պարկերվում էր արծաթով կամ սպիտակով: Արծաթագույնը նաեւ արտահայտում է ավերարանական պերճախոսությունն ու իմաստությունը՝ արեւի լույսի պես սփռված համայն աշխարհով մեկ: Նիմքը Սաղմոսաց գրքից է. «Տիրոջ խոսքերը սուրբ խոսքեր են, ինչպես ընտիր ու փորձված արծաթ՝ յոթնապարիկ մաքրված եւ զրկված հողից» (Սաղմ. ԺԱ 7):

Սև գույնը խավարի իշխանի գույնն է: Այն վշտի, մեղքի, հիվանդության ներկայությունն ու փաստն է: Այս գույնն իր մյուս իմաստով օգտագործվում է որեւէ առեղծված բացատրելու համար: Տարաբնույթ լինելով՝ այն կարող է կիրառվել թե՛ դրական եւ թե՛ բացասական իմաստ փոխանցելու համար. «Չարի կերպավորման կողքին այն գործածական է նաեւ Աստուծո համար՝ ցույց տալով Նրա անճառությունը»¹¹:

Սեւն առհասարակ գունային հարկանիշներից գուրկ է: Այն պեք է գույն կոչել որոշակի վերապահությամբ, որովհետեւ սեւը ոչ թե գույն է, այլ դրա բացակայությունը:

Եթե սպիտակը, լույսը մարմնավորում են Աստուծուն, հրեշտակներին ու սրբերին, ապա սեւը հիշեցնում է չարի եւ դժոխքի հետ առնչվող ամեն ինչ: Այնպեղ, որպեղ մանրանկարիչը փորձել է պարկերել դժոխայինը, դիմել է սեւի օգնությանը, օրինակ՝ Խաչելության փեսաբանում Քրիստոսի ոտքերի փակ պարկերված դժոխքը, նաեւ Սուրբ Գեորգի պարկերագրության մեջ առկա սեւ եւ մռայլ գուրը, որպեղից դուրս է սողոսկում չարությունը մարմնավորող օձը:

Մեկ այլ իմաստով, եթե դարչնագույնը հնազանդություն եւ ճգնակեցություն է խորհրդանշում, սեւն արտահայտում է աշխարհից հրաժարում (նաեւ հոգեւորականների զգեստների պարագային): Մանուշակագույնի համադրությամբ սեւն անթափանց եւ անճառելի խորհուրդ է արտահայտում, իսկ կանաչի հետ գործածվելով՝ ծերություն:

Նշված իրավիճակից զար մանրանկարիչը, համաձայն ավանդված խրատների եւ ընդունված կանոնների, պիտի բացառի սեւի գործածությունն իր աշխատանքի մեջ: Գունային

11 **Архимандрит Рафаил (Карелин)**, О языке православной иконы, СПб. 1997, с. 34.

ներդաշնակությունը պահելու, սեւի բացը լրացնելու համար մշակվեց սեւին մոտ գույների՝ դարչնագույնի, մուգ կապույտի ու կարմիրի համադրությունը:

Կապույտի ու սեւի համադրությամբ սպեղծված յուրօրինակ գամման սգո արտահայտության խորհրդանիշն է, գործածական ինչպես դրախտից վարաման, նույնպես եւ թաղման փեսարանում:

Մոխրագույնը մարմնի մահվան եւ հոգու անմահության իմաստն ունի: Ինչպես փայլը, որ այրվելով մոխիր է դառնում եւ այլեւս կյանք չի պարունակում, այնպես էլ գույների մեջ մոխրագույնը մահվան եւ վշտի արտահայտամիջոցն է:

Կանաչը բնության եւ գարնան գույնն է: Խորհրդանշում է բնության եւ կյանքի վերագարթոնքը, կյանքի փարած հաղթանակը մահվան նկատմամբ, Աստուծոց մեզ փրկած հավերժական կյանքը: Կանաչը կյանքն է պարունակում, ասել է թե՛ գործողություն, շարժում:

Նեփին ֆոնի լանդշաֆտային փեսարաններից զատ կանաչի երանգներով համեմատաբար հաճախ պատկերվում են զգեստները: Մկրտության փեսարանում, օրինակ, Նով-հաննես Մկրտչի զգեստը (քուրձը) մուգ կանաչ է: Կանաչը՝ իբրեւ հավերժությունը բնութագրող գույն, օգտագործվում է նաեւ Սուրբ Նոգու պարագային՝ ցույց տալով Երրորդության անձերից մեկի գործուն մասնակցությունը փվյալ անձի կյանքում:

Կարմիրը կյանքի խորհրդանշական գույնն է: Կարմիրն է մաքրագործում եւ մեղքերին քաղություն տալիս: Խորհրդանշում է Քրիստոսի մարդեղությունը եւ մեղավոր մարդկության համար զոհաբերված Պատարագը:

Շատ մանրանկարներում կարմիրը փոխարինելու է գալիս ոսկեգույնին, օրինակ՝ Վասպուրականի մանրանկարներում ոսկու փոխարեն շատ է կիրառվել կարմիրը¹²: Կարմիրը խորհրդանշում է Նոգու կրակը, որով Աստված պիտի մկրտի ընտրյալներին (հմմտ. Մատթ. Գ 11):

Ծիրանին կարմիրն մոտ կանգնած գույներից է եւ իր իմաստաբանությամբ հաճախ նման է կարմրին: Այն խոսում է թագավորական իշխանության մասին, վկայում աշխարհ եկած եւ երկար սպասված հաղթանակը:

Կարմրի կողքին **կապույտն** ամենից շատ գործածվող գույնն է: Կարմիր - կապույտի միջոցով պատկերները արտահայտում են ողորմություն եւ ճշմարտություն: Ինչպես վերը նշեցինք, կարմիրը ոչ միայն արյան, այլեւ կյանքի, չարճարանքի ու երկրավորի խորհուրդ ունի: Կապույտը, ընդհակառակը, ցույց է տալիս Աստվածայինը, կապարյալն ու երկնայինը: Նիսուս Քրիստոսի անձի մեջ այս երկու հակադիր բեւեռները միավորված են. Փրկչի անձում միավորվում են երկու հակադիր բնությունները՝ մարդկայինն ու Աստվածայինը, քանի որ Նա կապարյալ Աստված էր եւ կապարյալ մարդ:

Աստվածածնի հագուստը նույնպես այս երկու գույների օգնությամբ է պատկերվում, քանզի նրա անձի մեջ միավորված են երկնայինն ու երկրայինը: Կարմրի եւ կապույտի համադրությունն Աստվածածնի պարագային խորհրդանշում է մայրությունը (կարմիր) եւ կուսությունը (կապույտ):

Նաշվի առնելով Քրիստոսի անձը, որն Աստված էր ու մարդացավ, իսկ Աստվածածնի-

12 Վասպուրականի համեմատ Կիլիկյան Նախասարան ավելի հարուստ էր ոսկով. այսպես մանրանկարներում ոսկու հագեցվածությունը խոսում է նաեւ պապականության հարստության մասին: Պապականությունը հիմնականում իշխանավորներ էին:

նը, որը մարդ էր եւ հնազանդությամբ Աստվածային զգեստավորում ընդունեց, ապա համաձայն մարդկությունը (կարմիր) եւ Աստվածությունը (կապույտ) խորհրդանշող գույների, կստանանք պարկերագրման հետեւյալ ենթադրելի ձեւը. Քրիստոս՝ պարկերված կապույտ շապիկով, վրայից՝ կարմիր թիկնոց, իսկ Աստվածածինը, հակառակը, կարմիր շապիկ հագած եւ ծածկված կապույտ թիկնոցով¹³: Այլ կերպ ասած՝ եթե Քրիստոս հավիտենական Աստված էր, որ մարդացավ, ապա Տիրամայրը, երկրավոր լինելով, դարձավ երկնային՝ սրբացավ:

Կանոնական մաս կազմող գունային փայլ (կարմիր, կապույտ) դասավորությունը, երբեմն խախտվել է (գուցե նկարչի չիմացության պատճառով): Պահպանվել է միայն ավանդական կարմիրի ու կապույտի համադրությունը՝ իբրեւ Աստվածածին եւ Քրիստոսին բնորոշող գույներ: Կապույտը նաեւ անիմանալի խորհուրդն արտահայտող գույն է, ցույց է տալիս Աստվածային անհասանելիությունը, հավերժությունը, ճշմարտությունն ու հայրնությունը: Կապույտի երանգավորումների մեջ Սուրբ Կույսի պարագային մեծ մասամբ կիրառելի է երկնագույնը, դա հոգեւոր մաքրություն, իմաստություն ու հավատարմություն է խորհրդանշում: Կապույտին մոտ կանգնած գույների շարքում **վարդագույնը**՝ մանկությունը, իսկ **փիրուզը** պատանեկությունը խորհրդանշող գույներն են:

Ղարջնագույնը համարվում է երկրի գույնը, խորհրդանշում է հնազանդություն, աղքատություն, աշխարհից հրաժարում: Պարահական չէ, որ սուրբ Աստվածածին, սուրբ ճգնավորների եւ մենակյացների զգեստները պարկերվել են այս գույնով՝ արտահայտելով նշված իմաստը:

Միջնադարում մանրանկարչական դպրոցները յուրօրինակ մոտեցմամբ եւ իրարից տարբեր կերպով են ըմբռնել պարկերագրական սյուժեն՝ հաղորդելով եւ ներմուծելով անհատական մոտեցումներ, հավելումներ եւ կրճատումներ (ինչպես վասպուրականյան շարձեռագրերում Տիրոջ գերեզմանը եկեղեցանման պարկերելը): Գույների արժեհամակարգի հարցում, սակայն, բոլորը գործել են միակերպ: Գունային համակարգի ընտրությունն ու բանաձեւումը միջնադարյան եւ հետմիջնադարյան շրջանում ոչ միայն մեր մեջ, այլեւ ամբողջ աշխարհով մեկ տարածվել են միօրինակ կերպով:

Այսպիսով՝ գույնը, գուներանգը, ցայտերանգությունը (կոնտրաստ) ու ներդաշնակությունը դիպողի աչքին զարնող առաջնահերթ խորհրդաբանական եւ աստվածաբանական արտահայտչամիջոցներն են եղել, ըստ գույների է պարկերագրվել խորհուրդը: Մանրանկարի մեջ գույնը նույն դերն է խաղում, ինչ բառը կամ նախադասությունը՝ գրականության մեջ: Շնորհիվ իր այլաբանական եւ խորհրդաբանական իմաստի՝ գուներանգը մեր մտապարկերում ի զորու է պարկերելու եւ ամրագրելու այն, ինչը հաճախ բանականությամբ անկարող ենք հասկանալ:

13 Стів К. И. Языкова, Богословие иконы. Слово и образ. <http://nesusvet.narod.ru/ico/books/ya-zyk/yazyk3.htm> (ун 13. 05. 2007).